



Preparing Career Ready Graduates

BOARD OF EDUCATION

Keshia Thomas, President
Valerie F. Davis, Clerk
Claudia Cazares
Genoveva Islas
Elizabeth Jonasson Rosas
Carol Mills, J.D.
Major Terry Slatc USMC (Retired)

SUPERINTENDENT

Robert G. Nelson, Ed.D.

3 Hlis Tim 13, 2020

Lus tshaj tawm los ntawm tus Thawj Tswj Hauv Paus Paus Tsev Kawm Ntawv Nelson

Hauv Paus Tsev Kawm Ntawv Fresno, nrog rau cov hauv paus tsev kawm ntawm ntawm ib cheeb tsam puag ncig, tau muaj kev soj ntsuam yam tsis tus ncuu txog qhov kev txawv txav ntawm tus kab mob COVID-19. Ua raws li Lub Xeev Tus Tuam Thawj Tswj Kav Newsom qhov kev tshaj tawm txog teb chaws qhov xwm txheej ceev thaum lub 3 hlis tim 4, Hauv Paus Tsev Kawm Ntawv Fresno tau muaj kev txiav txim siab uas nyuaj tshaj plaws los mus kaw tag nrho cov tsev kawm ntawv rau cov tub ntxhais kawm ntawv pib rau hnuv Monday, 3 hlis tim 16 txog rau lub 4 hlis tim 13, uas yog rau lub caij thaum lub hauv paus tsev kawm ntawv rov qab tuaj kawm ntawv los ntawm kev mus so rau lub caij nplooj hlav. Qhov kev kaw tsev kawm ntawv no raug tag nrog rau cov kev kawm ntxov thiab tsev kawm ntawv rau cov laus cov kev kawm tib yam nkaus. Peb muaj kev cia siab hais tias peb yuav rov qhib peb cov kev qhia ntawv tom qab kev mus so lub caij nplooj hlav, tiam sis peb yeej tseem yuav soj ntsuam saib qhov zoo tshaj rau peb cov me nyuam thiab lub zej zog.

Peb yeej paub txog hais tias qhov kev txiav txim siab no muaj kev cuam tshuam loj rau peb cov tsev neeg thiab peb lub zej zog, tiam sis, vim txoj kev faj seeb peb ntseeg tau hais tias qhov kev txiav txim siab no nws yog ib yam kev nqis tes los mus pab txo kom muaj tsawg txog txoj kev kis tus kab mob. Peb tuaj ua hauj lwm txhua hnuv vim yog muaj peb cov me nyuam, thiab tsis muaj ib yam dab tsi yuav tseem ceeb tshaj qhov kev saib rauj kom cov me nyuam muaj kev noj qab haus huv thiab nyob zoo dhia rhees.

Cov ntsiab lus ntau tshaj txog peb qhov kev npaj rau cov hnuv tom ntej no yuav raug muab saib ua zaum kawg thiab mam li txuas lus los rau hauv ob hnuv so tom ntej no txog tej yam xws li, tej ntaub ntawv qhia txog saib peb yuav muab zaub mov noj txuas ntxiv rau peb cov tub ntxhais kawm ntawv txuas ntxiv pib rau hnuv Monday thiab ib qho chaw teb xov tooj los mus teb cov lus nug tuaj ntawm peb cov tsev neeg. Thov hais kom tseeb dua hais tias, cov tub ntxhais kawm ntawv tsis txhob tuaj kawm ntawv rau hnuv Monday. Peb yuav muaj cov lus qhia tseeb txog saib yuav mus nqa cov zaub mov noj li cas.

Yuav kom muaj kev npaj txuas ntxiv rau kev txhawb tub ntxhais kawm ntawv rau lub sij hawm uas muaj tej yam tsis tau pom dua no tshwm sim, tag nrho cov neeg ua hauj lwm yuav tsum tos ntsoov txais kev txuas lus los ntawm hauv paus tsev kawm ntawv thiab yuav muaj kev qhia tej yam txawv txav tshiab rau ob hnuv so tom ntej no txog rau tej yam nram qab no:

- Sij hawm ua hauj lwm,
- Tsim cov kev pab lwm yam rau kev kawm raws qib kawm thiab tej txuj kawm uas yuav siv tau rau lub caij so yam tsis tau npaj no, thiab
- Kev tsim tej kev pab tseem ceeb.

Nco qab ntsoov hais tias peb tauv ntau txoj hauj lwm tshaj ntawm qhov kev kawm ntawv, xws li kev muab zaub mov ntau tshaj 100,000 qhov txhua hnuv, thiab nws tseem ceeb hais tias peb saib ntsoov rau qhov kev kaw tsev kawm ntawv no saib peb yuav muaj peev xwm txhawb peb cov me nyuam thiab tsev neeg txuas ntxiv mus, txhua txhua hnuv.

Nyob rau lub sij hawm tsev kawm ntawv kaw no, peb thov qhia hais tias tub ntxhais kawm ntawv thiab tsev neeg kawm kev noj qab haus huv thiab soj ntsuam txog kev ruaj ntseg xws li ntxuav tes thiab nyob sib nrug nrog tib neeg. Qhov kev kaw tsev kawm ntawv no tsim muaj coj los txo qis txog txoj kev kis tus kab mob thiab yog hais tias peb cov tub ntxhais kawm ntawv thiab tsev neeg nyob koom ua tej pab pawg, qhov nov yuav muaj peev xwm tiv thaiv kev ntsuam xyuas kev nyob sib nrug.

Xav paub ntau txog tej kev tshaj tawm tshiab, thov mus saib ntxuas ntxiv ntawm fresnounified.org.